

嘉靖蕪州誌

地 260.99
1275
部 三 3



蘄州誌卷之九



文林郎致仕知縣州人其澤纂輯

儒學學正閩人王



訓導真陽裴文采同校正

訓導閩人趙士讓編次

訓導蒙化李茂同編次

詩文 文移附

書契作而簡表之文以興文之從來也尚矣
或紀載以述其事或賦詠以發其情俾前言
往迹蓋於此有所考焉非以藻繪為工也故

蘄州誌

人

一

是集所采自

朝廷之典禮山川城郭之形勝官司學校祠廟
之沿革廢置皆鴻儒碩筆相繼而作是用備
錄于左謹以

列聖御製冠之首焉

封威靈公蘄州府城隍 誥命

奉

天承運

皇帝制曰帝王受

天明命行政教於天下必有生聖之瑞受命之符此

天示不言之妙而人見聞可及者也神司淑慝
爲天降祥亦必受天之命所謂明有禮樂幽有
鬼神天理人心其致一也朕君四方雖明智弗
類代天理物之道實罄于衷思應天命此神所
鑒而簡在

帝心者君道之大惟典神天有其舉之承事惟謹
州府城隍聰明正直聖不可知固有超於高城
深池之表者世之崇於神者則然神受於天者
蓋不可知也茲以臨御之與天下更始凡城隍
之神皆新其命睠此郡城明祇所司宜封曰鑒
察司民城隍威靈公威則照臨有赫靈則感通
無方此固神之德而亦天之命也司于我民鑒
于郡政享茲典祀悠久無疆主者施行

制 誥

人 勸 誌

人

二

洪武二年正月日

之 寶

追封功臣蘄州康茂才蘄國公謚武義

誥命

奉

天承運

皇帝聖旨朕惟帝王之待功臣生則顯官厚秩以榮之歿則加封錫爵以報之此國家之常典也榮祿大夫同知大都督府事兼太子右率府使康茂才初自京口率衆來歸爾卽以水軍勝張氏獲其海舟繼取樅陽攻安慶守龍灣及陳氏犯境爾能擊退其兵及復從朕以舟師攻舒城江

蘄州誌

人

三

蘄興國漢陽數郡繼克廬州大戰彭蠡遂平武昌以至隨大將援江陵湖南四川取秦州援宜興戰崑山之巫子門擣淮安之馬邏港破吳興下姑蘇北征汴洛守陝蒲二州招徠絳解之衆其功可謂偉矣豈期隨征興元旋軍中道因疾以歿朕聞訃音不勝感悼念今天下混一方欲論功行賞以報汝功爾乃遽然長逝其於朕心何可忘哉茲特勅爾官勳賁爾靈爽尚其不昧承茲新命於冥冥之中也可贈推忠翊運宣力懷遠功臣光祿大夫湖廣等處行中書省平章

政事柱國追封蘄國公謚武義主者施行

寶

洪武三年九月 日

洪武三年蘄國武義公子康鐸襲蘄春侯時年十歲

欽蒙入侍

青宮大本堂讀書洪武六年六月十三日

太祖高皇帝幸大本堂召康鐸于階下慰勉再三御筆親書八字併康二子三字賜之

康二子

蘄州誌 人 四

謹承祖業愛爾勤功

洪武六年夏六月十又三日

皇帝幸大本堂堂乃

諸君講道之所而諸

親王肄業於左右當是時勛業之子亦聽執經來侍

上既至召開平忠武王之子鄭國公常茂蘄國武義公之子蘄春侯康鐸列于階下慰勉再三復勅奉御具觚翰親書二帖一賜茂一賜鐸帖皆八字其賜鐸者云謹承祖業愛爾勤功鐸稽首再

敬一箴有序

夫敬者存其心而不忽之謂也元后敬則不失天下諸侯敬則不失其國卿大夫敬則不失其家士庶人敬則不失其身禹曰后克艱厥后臣克艱厥臣五子之歌有云予臨兆民如朽索之馭六馬爲人上者奈何不敬其推廣敬之一言可謂明矣一者純乎理而不雜之謂也伊尹曰德惟一動罔不吉德二三動罔不凶其推廣之一言可謂明矣蓋位爲元后受

天付託承

人
新志

人

六

天明命作萬方之君一言一動一政一令實理亂安危之所繫若此心忽而不敬則此德豈能純而不雜哉故必兢懷畏慎於

郊禋之時儼神明之鑒享發政臨民端莊戒謹惟恐拂於人情至於獨處之時思我之咎何如改之不吝思我之德何如勉而不懈凡諸事至物來究夫至理惟敬是持惟一是一惕所以盡爲

天之子之職庶不忝厥

祖厥

親由是九族親之黎民懷之仁澤覃及於四海矣朕

以冲人續承丕緒自諒德惟寡昧勉而行之欲
盡持敬之功以馴致乎一德其先務又在虛心
寡慾驅除邪逸信任耆德為之匡輔敷求善人
布列庶位斯可行純王之道以坐致太平雍熙
之至治也朕因讀書而有得焉乃述此以自勗
云

人有此心

萬理咸具

體而行之

惟德是據

敬焉一焉

所當先務

匪一弗純

匪敬弗聚

元后奉天

長此萬夫

發政施仁

期保鴻圖

新誌

人

七

敬怠純駁

應驗頓殊

徵諸天人

如鼓答桴

朕何天眷

為民之主

德或不類

以為大懼

惟敬惟一

執之甚固

畏天勤民

不遑寧處

曰敬維何

怠荒必除

郊則恭誠

廟嚴孝趨

肅于明廷

慎於間居

省躬察咎

儆戒無虞

曰一維何

純乎天理

弗參以三

弗貳以二

行顧其言

終如其始

靜虛無欲

日新不已

聖賢法言

備見諸經

我其究之

擇善必精

左右輔弼

貴于忠貞

我其任之

鑒別必明

斯之謂一

斯之謂敬

君德既脩

萬邦則正

天親民懷

永延厥慶

光前垂後

繇衍蕃盛

咨爾諸侯

卿與大夫

以至士庶

一遵斯謨

主敬協一

罔敢或渝

以保祿位

以完其軀

古有盤銘

目接心警

湯敬日躋

一德受命

朕為斯箴

拳拳希聖

庶幾湯孫

底于嘉靖

新州誌

人

八

欽文

嘉靖五年六月二十日

之寶

宋儒范氏心箴

茫茫堪輿俯仰無垠人於其間眇然有身是身之微太倉稊米參爲三才曰惟心耳往古來今孰無此心心爲形役乃獸乃禽惟口耳目手足動靜投間抵隙爲厥心病一心之微衆欲攻之其與存者嗚呼幾希君子存誠克念克敬天君泰然百體從令

堪輿是指天地說無垠是無有界限宋儒范氏浚作心箴說道茫茫然天地廣大無有界限而人居其中便似太倉中一粒粟米天地這般大

人身這般小人與天地參爲三才有非以形體而言惟其心耳蓋心爲一身之主吾心克正則百體四肢莫不聽其使令若心有一毫不正則被聲色所移物欲所攻便動與理反豈不於人道遠哉故范氏之作箴雖是常言西山真氏特錄於大學衍義之中以獻時君宋君雖未能體而爲後世告其致意也深其用功也至是余所嘉慕而味念之箴之作本于范氏非真西山發揚其孰能之哉嗚呼念哉

程子視箴

心兮本虛應物無迹操之有要視爲之則蔽交於
前其中則遷制之於外以安其內克己復禮久而
誠矣

視聽言動四箴者乃宋儒程氏頤之所作也程
氏說人之生也其性本善後被物慾交攻而此
性始有不善視聽言動四者或不能中此乃受
病之處居中而制萬事者心也心之所接必由
視聽得之視聽之不明不聰則言動皆違天理
然視居其首焉程氏說凡人於視不無被那諸
般物色所蔽惟中心安之凡視無不明勿使外

八
新刊誌

人

十

物蕩其中常使中制於外可也書云視遠惟明
卽此意也要操存之在吾心無有遠邇視之如
一辨其是非觀其善惡以吾心之正爲較察然
後可免於昏亂之失矣朕惟人皆以視爲明而
人君所視者尤爲要焉果以此爲則深爲益也
凡觀其邪正辨其賢否不爲奸巧之所惑庶幾
忠與不肖不得並進用舍不至於倒置矣嗚呼
察之

程子聽箴

人有秉彝本乎天性知誘物化遂亡其正卓彼先

覺知止有定閑邪存誠非禮勿聽

此程氏言動之要說道視聽乃爲出言之機一或有差患必至矣前言視之之道夫人之於視或能察之然又恐聽之未善也目視之旣善耳聽者須盡其善可也耳目之間視聽之際均爲要焉若聽之不審則無以知其是非故聽言之際當分別其邪正勿使甘佞之言從入其心心旣受之必爲誘惑書云聽德惟聰卽此意也蓋人生之于天具耳目口鼻之體口之與鼻無所禁者惟耳目爲重故以視聽爲戒朕論之曰口

人
新語

人

十一

與鼻之無所禁乃彼知之自然也耳目之於視聽乃彼之不能先覺者也如口之嗜味知其甘辛酸苦嘗之自能別也鼻之臭物知其好惡嗅之自能擇也目之於色則愛其豔麗耳之於聲則愛其音律殊不知豔麗音律皆人爲之也所以反受其害口鼻之覺故賢之於耳目也故程氏箴云卓彼先覺知止有定謂旣能卓然先覺則自有定向而人君之聽尤當審辨之也書云無稽之言勿聽又云庶頑讒說震驚朕師此皆聽德之要也人君於聽納之間當辨其忠讒而

已忠言逆耳近於違我讒言可信近於遜我不
能審擇其患豈淺淺哉但使吾心泰定不爲諂
佞之徒以惑則所納者未必不可所屏者未必
不當惟吾心審斷之而已嗚呼審之

程子言箴

人心之動因言以宣發禁躁妄內斯靜專矧是樞
機興戎出好吉凶榮辱惟其所召傷易則誕傷煩
則支已肆物忤出悖來違非法不道欽哉訓辭
樞機者譬戶之軸弩之牙也戎是兵戎好是喜
好程子之意說凡人所言必謹其妄出輕發如

新語

人

三

弩之發矢度而思之務求其中焉言易則至於
狂誕言煩不免於支離非聖賢之法言不敢道
之於口所以告來世之君子也朕因而論之曰
凡人所言必求其合諸道理準諸經傳然後可
以爲言也夫言以文身也書云惟口起羞大學
云言悖而出者亦悖而入孝經云非先王之法
言不敢道斯之謂也人之於言必加謹言焉而
人君之言尤當謹之先儒云王言如絲其出如
綸王言如綸其出如綍人君之發號施令皆言
也今出之善則四海從焉一或不善則四海違

焉故凡出一言發一令皆當合於天理之公因諸人情之所向背若或徒用己之聰明恃其尊大肆意信口不論事理之得失民情之好惡小則遺當時之患大則致千百年之禍可不戒畏之哉程氏之作箴其用心也至矣嗚呼謹之

程子動箴

哲人知幾誠之於思志士勵行守之於爲順理則裕從欲惟危造次克念戰兢自持習與性成聖賢同歸

哲人是明哲之人志士是有德行之士誠是念

之實守是行之篤理卽天理欲卽人慾程子說凡人所動作便不可輕舉妄動當審其事機可否之如何天理人欲之所在思其事之巨細爲其所當爲然後動與道合無有墜失狂躁之病戰兢惕勵如此者惟哲人乃能之君子可不謹之哉朕因而論曰凡人所動爲當求合乎道理察其當爲與所不當爲精別而行之可也而人君之所動爲尤重焉蓋君者以一身而宰萬事不可適己之欲與夫聽信讒佞輕舉妄動或恃中國之強而好征伐或盤遊無度而殘害百姓

凡此類者不可枚舉姑說其大者言之一舉動之間上違

天意下拂民心而敗亡之禍隨之是非可不畏懼也哉程氏之作箴其用心也至矣嗚呼畏之斯四箴作之在於程頤以斯四箴而致其君者乃吾輔臣張璪也頤之作箴其見道之如此而動與禮合宜朕未之言君子必知矣夫今璪以此言而告朕與夫昔議禮之持正可謂允蹈之哉朕罔聞于學特因是而註釋其義于以嘉璪之忠愛于以示君子之人嗚呼箴之功宜不在

人 勸 志

人

古

程氏而在于璪也哉用錄此于末云耳

嘉靖丁亥歲季冬越三日註

嘉靖己丑臣澤纂脩州誌適
 督學憲臣頒布
 皇上所著敬一箴及五箴解責有司
 刻石學宮臣伏讀再三仰窺
 聖學緝熙繼
 天立極謹當叙列
 宸翰俾天下後世知所尊崇而服習
 焉 臣澤稽首頓首謹識



詩

唐

謝鄭公惠簞

韓昌黎

蘄州笛竹天下知鄭君所寶尤環奇攜來當書
 不得臥一府爭看黃琉璃體堅色淨又藏節滿
 眼疑滑無瑕疵法曹貧賤衆所易腰腹空大何
 能爲自從五月困暑濕如坐深甕遭蒸炊手摩
 袖拂心語口漫膚多汗真相宜日暮歸來獨惆
 悵有買只欲傾家資誰謂故人知我意卷送八
 尺含風漪呼奴掃地展未了光彩照耀驚童兒

蘄州誌

人

十五

青蠅倒翅蚤虱避肅肅疑有清飈吹倒身酣寢
 百疾愈却願天日常炎曦明珠清玉不足報贈
 余相好無休時

寄簞與元禮

笛竹出蘄春霜刀劈翠筠織成雙入簞寄與獨
 眠人捲作筒中信舒爲席上珍滑如鋪薤葉冷
 似臥冰鱗清潤宜成露鮮花不受塵通州炎熱
 地此物最關身

寄蘄春李使君

白居易

下車書奏龔黃課動筆詩傳鮑謝風江郡謳吟

誇杜母洛城歡飲會車公笛愁春盡梅花裏簞
冷秋生薤葉中不道蘄州歌酒少使君難稱與
誰同

送蘄春李使君赴郡

可憐官職好文詞五十專城未是遲曉日鏡前
無白髮春風門外有紅旗郡中無處堪攜酒席
上誰人解和詩惟共交情開口笑知君不及洛
陽時

送蘄州李郎中赴任

劉禹錫

楚關蘄水路非賒東望雲山日夕嘉薤葉照人

蘄州志

人

十六

呈夏簞松花滿椀試新茶樓中飲興因明月江
上詩情爲晚霞此地交情長引領早將玄髮到
京華

宋

謝本玉先生惠簞

大梁王學

南朝笛竹蘄爲良織成文簞瑠璃黃舊物正爾
冷如鐵此君無奈寒如霜山齋溽暑正六月野
人清夢迷三湘卷舒隨分且藏節作詩爲報劉
中央

寄蘄簞與蒲傳正

蘇子瞻

蘭谿美箭不成笛離離玉筋排霜春千絲萬縷
自生風入手未開先慘慄公家列屋閑蛾眉珠
簾不動花陰移霧帳銀牀初破睡牙簽玉局坐
談某東坡病叟長羈旅凍餓饑吟似饑鼠倚賴
春風洗破衾一夜雪寒披故絮火冷燈青誰復
知孤舟兒女自嗷嗷黃天何時及炎燠媿此八
尺黃琉璃願公淨掃清香閣臥聽風漪聲滿榻
習習還從兩腋生請公棄此朝閭闔

丫頭山

何不梳妝嫁去休免教人喚作丫頭只因不信

八 蘄誌

人

七

良媒說擔閣千秋與萬秋

涵輝閣

郭祥正

天垂星斗數尋近地捲雲山千里來冰壺倒影
露華洗玉竇溶雪蟾光頹

國朝

同前

蕪湖陳清左長史

子城城上虛高閣軒敞玲瓏倚碧空山色捲簾
當戶入波光繞坐與江通月明人在冰壺裏日
暮鵬飛夕照中意思無窮含蓄盡今人登眺古

人同

同前

仁和胡懋欽右長史

當時傑閣扁涵輝高出層城勢欲飛三百年來
遺址在天光雲影淡依稀

環翠亭

姑蘇高啓太史

環翠亭開紫霞裡更掖麟峯并雉水千崖秀色
傍窓浮萬壑濤聲從座起烟消日出天溶溶玉
壺倒插金芙蓉鈎簾相對坐長夏灑然冰雪生
心曾

見山樓

金華俞敬同知

牕戶何如畫不關無端詩景翠微間絲絲雨過

新州誌

人

十八

添金碧朶朶雲開整髻環滿座春風花色鬧隔
屏晴日鳥聲閒宦遊恐惹斯文誚敢謂仁人却
樂山

煙霏樓

濃濃淡淡起誰家縹緲何依橫復斜雲母屏風
紛映戶青絲步帳漫籠花細縵造化疑將判早
晚陰晴恐認差分付馮夷收拾起好教日月吐
光華

同前

州人陳熙序隱士

煙霏樓高幾百尺十二危闌倚半空似雨非晴

還縹緲如絲作陣轉溟濛一川花柳模湖外繞
郭桑麻杳靄中捲地風來忽吹散依然晴日透
窻紅

元

四見亭

觀音奴淮西江北道僉事

臥麟山前江水平臥麟山下望行雲山雲山樹
幾時好江水江花顏色新長江西來流不盡東
到滄海無回津我欲登臨問與廢今時不見古
時人

國朝

蘄州誌

人

十九

同前

州人朱紳隱士

新亭結構郡城顛四顧江山在目前樹暗平林
春雨裏天低遠岫夕陽邊白雲南接匡廬近綠
水西來鄂渚連黎庶萬家忘

帝力熙熙耕鑿自長年

同前

州人馮翺推官

小亭高聳郡城東景色疑眸興未窮四面江山
圖畫裏八窻風月品題中犯顏每欲繩明主謫
任何妨效乃翁顧我宦遊歸已久幾迴登眺仰
餘風

元

登四見亭故址

韓克莊 淮西江北道僉事

前朝亭廢野蕪侵暇日躋攀試眺吟楚地寒煙
青漢遠漢江秋水碧流深連城阡陌桑麻藹負
郭人家竹葉森千載麒麟山下路不知遊客幾
登臨

麒麟山石

無名氏

幽人移石暮雲邊時得摩挲最可憐江上風來
飛欲去嶺頭雲起遠相連窻涵青瑣疎松靜吏
散高堂碧樹圓試問荆和在何處白頭零落淚

入 蕪州誌

人

三

空漣

國朝

蘄州江中怪石

長沙李東陽學士

峯兀山城抱此州江間怪石擁戈矛隨波草樹
愁生隙駭浪蛟龍却避流豈有岌岌能砥柱祗
多衝突向行舟憑誰一試君山手月落江平萬
里秋

江山清趣亭

浮梁戴珊 刑部侍郎

江上青山山上亭一天晴碧送虛明鳶飛魚躍
心同適柳蔭荷香景倍清楚艤吳檣雙睫亂鄉

懷宦况二毛呈洞庭衡嶽何時到喚起回僊話
此情

同前

樂安謝綬都御

山連衡桂天邊翠江接沅湘地底流秀氣不隨
雲霧散清光常逐浪漚浮採薪樵子趨林麓罷
釣漁翁憩岸頭此景欲求堪擬處洞庭湖上嶽
陽樓

同前

會稽富珪僉事

鳳凰山水流東亭下青山四望同春樹鳥啼
屏障裏夕陽人在畫圖中松風清爽生孤榻花

八
新州誌

人

五

雨繽紛落半空待得公餘無俗事南薰一曲奏
絲桐

同前

劔潭蕭敬司禮監

洞庭遠帶瀟湘翠今古滔滔爽氣流隨處有風
行客便諸洲無浪見鷗浮雲空光影浸波面水
退江痕露石頭一段將人清意味好將長似鳳
凰樓

同前

袁珽州學正

紅塵奔走心無賴一上新亭眼界開江水瀟茫
呈碧見雲山峯崒送青來四時景物成真趣八

面軒窓絕點埃對此令人清透骨恍疑身世在
蓬萊

四節祠

金華俞敬本州同知

共撐砥柱障驚湍鐵漢肝腸死未乾
鵠血空啼天地老松根不改雪霜寒
身存許國家寧顧事弗如心義已安
鄭重觀風歸載筆百年精爽喜成團

蘄陽八景

州人陳溱工部主事

麟閣江山獻綺羅太清夜月宿嫦娥
鳳凰岡上晨鐘響龍眼磯頭夕照多
城北荷池開錦障湖東春水泛金波
鴻洲煙雨將收盡龜鶴梅花雪滿坡

蘄州誌

人

三十二

麟閣江山

山峙麒麟脊翠崖誰從麟背築樓臺
荆襄二水分流遠楚蜀諸峯接踵來
疊嶂雨餘青似黛長江風靜綠如苔
登臨倚遍闌干望四面渾如圖畫開

鳳山曉鐘

曙色蒼蒼尚未明鳳凰山上曉鐘鳴
悠揚高徹三千界緊慢頻敲百八聲
隱隱過江音韻急轟轟

聾聵耳夢魂驚起來倚傍書窗聽疑是城頭吼
巨鯨

太清夜月

太清池在觀門前最喜清宵得月先
蟾影波光同皎潔水僊月妹共蟬娟
流窮今古消還長照遍乾坤缺又圓
中有道人愛清致臨池賞翫傍池眠

龍磯夕照

石頭聳目瞰江流正對桑榆夕照收
霞彩映波紅浪奈日光漾水錦鱗浮
晚催鴉鳥尋栖所暝

入 漸誌

人

三

促漁翁繫釣舟暮景滿天吟不盡
餘暉猶在斷磯頭

城北荷池

城北荷池今幾年
花開十丈藕如船
豔容未必六郎似
清馥還誇十里傳
紅臉對人嬌欲語
翠盤翻露碎還圓
賞吟絕勝西湖景
不用吳姬唱採蓮

東湖春水

東湖環滙繞蘄城
三月湖頭春水生
滿川浩渺還流集
萬頃微茫一掌平
桃花浪裏魚龍躍
青

草洲邊鷗鷺鳴聞說滄浪清徹底此中亦可濯
纓塵

鴻洲煙雨

鴻洲四望水平鋪煙雨微茫景最殊細細隨風
成霖霖霏霏帶霧繞糝餠輕籠樹色濃還淡半
隱人家有若無假使王維如可作也應寫入輞
川圖

龜鶴梅花

一龜一鶴兩山排山上梅花無數開明月夜橫
疎影瘦好風時送暗香來傲霜疑是冰爲骨舍

人
蕪州誌

人

三五

雪何殊玉作腮憶自逋僊歸去後不知此樹是
誰栽

麟閣江山

州人甘瑩

福州寧州

倚雲高閣寵功臣閣外江山絕點塵江接東溟
清不斷山椎南楚碧無垠瓊窻射影玻璃淨袍
笏生寒翡翠勻豪傑登臨偏感激欲圖勲業繼
前人

鳳山曉鐘

鳳岡深處梵王家幾度蒲牢向曉搥徧樹幽禽
都擊起半山涼月已敲斜高凌清露飛空外低

掠疎煙到水涯一百八聲方數盡千門萬戶總
宣譁

太清夜月

僊池半畝古城東良夜輝輝月在中龍吐靈泉
浮藻鑑人從近處見蟾宮兩般物象閒相盪一
味英華自渾融池上道人能會意優游清賞四
時同

龍磯夕照

江上龍磯落照閒無端景色最堪看朱華著樹
穿幽石錦色隨鷗弄急湍沙際漁舟都泊罷城

新誌

三五

頭戍角已吹殘餘輝斂盡西山暝詩客徘徊尚
倚闌

城北荷池

郡城北去有芳池池產荷花分外奇翠蓋成陰
欺畏日紅幢倒影媚連漪一泓秀氣能招隱十
里清香盡索詩野叟相忘時俯檻傍人疑是宋
惇頤

東湖春水

東湖萬頃自天開幾度春風送水來隱隱鴨頭
渾不翳溶溶鏡面絕無埃桃花逐浪霞輕點鷺

影隨波雪亂推眼底微茫都是趣何人在此泛舟回

鴻洲煙雨

地擁鴻洲臥碧流幾迴煙雨望中幽垂楊半隱
煙初抹古岸全昏雨未收乍有乍無多釣艇欲
明欲暗幾間鷗神功點出天然畫壯麗乾坤萬
萬秋

龜鶴梅花

山如龜鶴孕精靈姑射鸞驂此處停雪裏寒英
偏爛熳月中瘦影擅娉婷林逋愛子心如結何
遜知君眼更青終見調羹禪大化熙熙民物味
餘馨

入 蕪湖志

人

三

麟閣江山

華亭吳稷左長史

麒麟山前江水迴江清山秀畫圖開千年勝地
宗藩在時有

龍章天上來

鳳岡曉鐘

鳳凰山上曉鐘鳴月落江城度遠聲蘇子解耽
春睡美打鐘何用更關情

太清夜月

太清之池清更深月明寒碧影沉沉何時乘月
池邊坐靜玩空明長道心

龍磯夕照

水清沙白此龍磯草樹蕭疎映夕暉立望人間
多少事却輸鷗鳥鎮忘機

城北荷池

城北野池蓮正紅氤氳香氣動微風有來觀者
須知愛外直中通君子同

東湖春水

東湖水生三尺深溶溶澹澹樂魚禽偷閒我亦

人

人

三七

移舟去傍柳隨花續短吟

鴻洲煙雨

汀煙漠漠鷺分去江雨霏霏鳩喚來漁子披蓑
煙雨裏一竿得意小舟開

龜鶴梅花

龜鶴山頭梅萬株花開春色已平鋪謾誇商鼎
和羹重且味逋詩得趣殊

麟閣江山

衡陽謝在右長史

牕棟雕闌勢轉迴玲瓏鎮日八牕開半生老眼
醒醒外水色山光天送來

鳳崗曉鐘

百五年來不爽鳴太平節奏驗斯聲誰知舜跡
天淵處不獨鷄鳴別此情

太清夜月

一泓澄澈碧深深光印金蟾靜不沉莫把纓絲
忙便濯細看天地一元心

龍磯夕照

層層岌岌枕江磯閣盡西飛幾落暉遙憶桐江
渭川叟曾將行止定先機

城北荷池

不逐東皇混軟紅水晶宮闕養高風明通公溥
淵源叟千古情懷夢寐同

東湖春水

魚苗初出水初深暖浴晴洲種種禽煙柳幾行
漁幾箇一聲飛出水龍吟

鴻洲煙雨

氤氳氣本魚龍吐迷却扁舟送酒來遠淡近濃
如墨潑可容鴈字得書開

龜鶴梅花

庾嶺移來老鐵株襯香須遣玉妃鋪自從笑破

春風面雷與羣芳作散殊

麟閣江山

金陵周南州知

閣畫麒麟倚碧辰四時登眺眼皆新乾坤不改
江山在却憶當年輔漢人

鳳岡曉鐘

鳳凰雷迹與嵯峩更隱諸天在薜蘿鯨吼一聲
星斗散朝陽時見瑞光多

太清夜月

水到此池真太清虛寒常與月相爭月光映水
水映月上下交光天地明

人 蘄誌

人

五

龍磯夕照

老龍厭雨化為石斜日更生鱗甲光舟子驟來
驚眼處黃牛白馬總成羊

城北荷池

翠蓋紅衣入品題風光不減若耶谿太平鎖鑰
渾無事一任遊人醉日西

東湖春水

雪消千壑吐春聲新綠溶溶兩岸平若箇小舟
天上坐更從何處問蓬瀛

鴻洲煙雨

北來孤影落沙頭爪迹無方任意留天地茫茫
今復古細煙疎雨一江秋

龜鶴梅花

曳尾昂頭天與壽老梅相傍更清嘉人間甲子
何須問春信年年自有花

麟閣江山

州人朱紳隱士

地位崇高境界寬層層石蹬可躋攀楚山南簪
雲千疊漢水西來雪一灣公館人家煙樹裏風
帆沙鳥夕陽間眼前多少關心事常患英雄老
鬢顏

入 蕪州誌

人

三

鳳山曉鐘

鳳山南畔擁招堤鯨吼蒲牢月欲低遠韻悠揚
傳郭野洪音瀏亮過雲霓曙分漸動千林鳥漏
盡頻催萬戶鷄聽徹聲殘一百八滿城車馬響
輪蹄

太清夜月

老子宮前半畝池碧天倒浸月明漪光涵水底
龍眠熟影轉松梢鶴睡遲晴雨升沉多隱顯古
今來往幾盈虛道人夜夜朝星斗環佩鏘鏘肅
羽衣

龍磯夕照

嵯峨城下矗危磯晚景蒼茫對夕暉遠水碧連
天一色落霞紅逐鷺齊飛樹梢殘影昏鴉聚浦
口餘光釣艇歸試上西樓豁吟目感懷今古思
依依

城北荷池

蘄州城北古池塘舊種芙蓉萬朶芳細雨幾番
增翠色薰風六月散清香天光雲影晴多趣魚
躍鳶飛晚更涼好似若耶谿上景一時人物足
徜徉

蘄州誌

人

三十一

東湖春水

三月春江水入湖煙波浩淼白雲鋪天連碧色
涵冰鑑水照晴光浸玉壺自去自來浮釣艇無
拘無束泛沙鳧迭更寒暑從消長芳草年年榮
復枯

鴻洲煙雨

江分二水夾芳洲煙雨濛濛暝色稠低接波光
寒霧合淡遮帆影暮雲收看來杳靄無窮處望
入模餽不盡頭八月西風鴻鴈落黃蘆衰草幾
經秋

龜鶴梅花

兩山對峙鶴迎龜上有梅花分外奇晴雪不消
禁老樹春風先報到南枝神遊赤壁冰香遠夢
入清江月影遲若使林逋從此見還能再賦一
聯詩

麟閣江山

州人陳熙年隱士

極目麟山紫翠堆宛如麟臥勢崔嵬插天遠岫
層層出繞郭長江袞袞來

帝子宮墻煙樹杪野人籬落水雲隈登臨吊古無窮
意獨立東風首重回

人

人

手二

鳳岡曉鐘

寶坊高築鳳山中鐘響常疑落半空驚起禪龕
枯坐客喚醒僊館獨眠翁悠揚韻度城頭月斷
續聲飄殿角風一百八聲聲正歇織鳥飛上海
天紅

太清夜月

太清池近郡東城雲淨風恬一鑑平倒漫天光
極澄徹中涵蟾影最分明閱窮今古清還淺照
徧興亡虧又盈幾欲幅巾扶杖去俯看何怕到
深更

龍磯夕照

龍磯西畔日將殘
荏苒餘暉悵望閒
草樹斜分高下影
江山不變古今顏
平林烏鳥紛紛聚
遠浦舟航箇箇還
立到詩成天欲暝
漁燈數點起前灣

城北荷池

城北荷池花爛開
不知前古是誰栽
至今翠蓋亭亭立
依舊清香馥馥來
根與春陵同氣味
水分玉井絕炎埃
隔花時復聞人語
如到若耶谿畔回

蘄州誌

人

三

東湖春水

春風吹春春滿城
吹入東湖水又生
芳渚沒時漁艇至
綠波湧處釣竿橫
天幾流轉心誰契
道體無窮眼自明
見長見消經六十
欲尋源去老難行

鴻洲煙雨

盡詫鴻洲景象殊
鴻洲煙雨正糝餈
煙光擁樹時濃淡
雨色吞江半有無
隱隱沙頭漁舍在
昏昏渡口野航孤
試拋書卷憑闌處
如對王維水墨圖

龜鶴梅花

龜鶴峻嶒聳處佳山山況更有梅花托根縱去
江城遠出色徧來咏士誇風細野橋香淡薄月
明谿岸影橫斜廣平君復今而在肯憚相尋道
路賒

元

宿蘄陽驛

幹克莊淮西江北道僉事

夜宿蘄陽驛湍聲已慣聽擁衾裁短句屈指數
殘更世慮如山重身謀似葉輕不堪天外鴈作
急兩三聲

蘄州誌

人

三

國朝

望蘄州

東吳楊基山西副使

未見蘄州城已見蘄州山諸山初不高蒼石礪
且頑想當至正時民物庶以般大江從西來萬
里不閉關茲山獨儲英羣雄出其間遂為禍亂
堦滋蔓莫可芟憶我聞亂初我方總兩鬢侍立
父祖傍聽說國步艱焉知三十年見此童與管
骨肉亦已零安得髮不斑披榛欲吊古豺虎愴
我顏蒼茫望茅宇日落孤邦還

寓蘄陽賦懷

山陰韓陽提學副使

宦輒馳驅歲月長
四年五度到蘄陽
葵開麗萼當朱檻
竹長新梢過粉牆
小雨霏霏侵几潤
薰風拂拂透襟涼
真心報

國應如鐵病久那看兩鬢霜

寓蘄州示諸生

金陵沈鍾使學副

蘄州雄跨楚江頭
隔岸羣峯紫翠浮
文事因仍延信宿
春光追逐縱遨懷
鄉魚鴈常違約
吊古風雲亦解愁
擬就滄浪歌一曲
媿將軒冕對沙鷗

咏蘄庠麗澤堂

會稽富珙僉事

蘄州誌

八

三

木鐸天教振好音
斯文光彩照青矜
程門立雪尊師禮
沂水乘涼樂道心
美價沽來嗟韞玉
合簪會處笑分金
行看慎勿慳餘澤
多少蒼生望雨霖

郡齋漫興

華亭侯直州知

四野年來少吠厖
澆漓漸已復淳龐
獨憐聖代無遺物
却笑樗材也作邦
風月嘉賓留我主
文章大擔共誰扛
趨

朝擬獻經綸策
未許歐公筆似扛

蘄陽江山

上高周廣榮州知

江上青山山下江江山清趣繞蘄陽舟人喚渡
斜風急樵子肩薪落日忙禽鳥拂天雲東過魚
龍得月鏡中藏無窮景物真奇異試倩良工寫
一張

烈士廟

金陵周南州本州知

從容難就死激烈易捐身拒請寧屠畫聞招益
慕秦世去綱常在舟沉義氣伸相看有龍眼祠
薦四時新

同前

松江吳稷長史

龍眼磯頭烈士祠祠前古樹碧參差君臣義重

蘄州誌

人

三十六

過九鼎生死事輕如一絲晉代清談真負愧楚
江遺迹更增奇表章新見蘄州誌一辯頓除千
載疑

同前

衡陽謝任右長史

崑崗火烈玉石混千古是非何日定請看蘄春
王長公或疑公嘗秉州政襲姓不知幾許年徒
使英雄抱孤悶貞庵父子具眼人律身正直根
天性後先著志四紀餘考據精詳勤整頓公事
當白自天申一卷青編出家乘貞庵得之如百
朋執此可徃破群論劉裕何人敢受禪鼠輩偷

生臣二姓一點丹心日月懸公實耻之不忘晉
飄然虎口賦歸來高風直與淵明並裕也畏公
妄致徵詎料再徵爲陷穽公佯許諾携妻孥一
鑿舟沉盡厥命清流何事奸雄投死重丘山死
無恨龍眼磯頭生氣存白壁黃金筭精潤乃今
改列人物科配享明禮表忠蓋吁嗟乎此志秉
筆本春秋與奪惟公乃其任吁嗟乎此志秉筆
本春秋與奪惟公乃其任

同前

閩人王舜卿本學
學正

烈士今何在龍磯一廟留可憐終死晉獨恨始

八 蘄州誌

人 重三十六

生劉誰謂天將厭吾多主易仇百年生氣壯憑
付楚江流

同前

州人李朴丙子鄉
舉

掄材剛此續靈祠倏忽災皇亦火之故址半爲
隣屋地荒臺聊只障江滑從前起廢曾金守向
往褒崇幾石碑不朽龍磯身後事有年誰起晉
人知

同前

州人劉傑丙子鄉
舉

一身許國雖當死八口埋江倍可傷芳節是誰
遺太史怒濤猶自泣斜陽殘碑剥蘚文章在荒

址連汀廟貌凶我幾登臨重回首不禁風雨度
微茫

同前

庠生傅京

誼不甘心晉鼎移孤忠應許屈平知棄官避詔
人間有挈室鑿舟天下奇磯吼憤聲迴急湍山
含生氣映荒碑一時慷慨箴千古名重綱常起
後思

同前

庠生韓世奇

擒劉復晉小臣難回首家山藪可餐穢寵無端
經再降浮生何處是全安便携妻子沉流水相

人
新州誌

人
卷三十六

託乾坤主蓋棺千古奔承關節路幾人惶恐過
前灘

同前

庠生劉經綸

携蒲屈起田家翁典午朝來生業空匹夫勤王
不可得一身似葉還江東青丘只欲書甲子黃
紙忽聞徵臣工壯懷不作楚囚泣屬眷從容同
轉蓬已無錐鐵出博浪豈謀衣袂登艤懷沙
讀罷靈均賦鴟夷自卷申胥躬止餘赤心叩奇
相却感白日聯長虹恠石時時露香骨寒流夜
夜鳴孤忠蛟鼉至今有生氣蘭芷不老遺清風

荒祠展拜踵首崖上碑殘草正豐

同前

州人陳吉言解元

江雲幕合江水東百年廟貌稱王公祗馮溲藻
薦明信誰抱遺編究始終公身未老時事變晉
鼎潛移田舍翁攜家肯赴鳳凰詔乘舟直入蛟
龍宮南山截窠壯奇氣煙波滿目生悲風可堪
片月照精爽平沙恠石寒江空豈同泛泛滯鬼
錄胎致造化無全功神鰲橫海不受釣孤高幻
出凌雲峯瀉頭鳥革子胥怒汨羅千載懷遺忠
人生取舍有如此嬰城歿難將無同何如天地

八 蕪州誌

人

又重三十六

容巢許却在唐虞揖讓中

同前

州人甘式臯

國祚嗟南向江山憶昔非義難臣二主門正掩
雙扉星使詔仍至碧波身似歸懸知凜神氣不
逐下邳飛

菩提寺

貴溪鄭軾按察司

午飯菩提境樓居試一登橫錢脩古寺閒飯養

山僧

王事急如火農家冷過冰賈生心似鐵一哭為蒼
生

拾遺

宋

送俞尚寺丞知蘄春縣 梅聖俞

應見言風物于今有貢地
地替蹤遠 龜鼃飲露上
兼葭清潔一如此傷殘都莫涯
君惟修職業男

未女綵車

○ 龜蝦蟇 龜蟇屬似青蛙而大腹地
今之花蛇也按詩宋亦以此克貢

蘄州厲使君七夕祈雨 戴石屏

樽俎忘佳節衣冠肅廣庭
為民祈一雨何暇賞
雙星五馬無慙德三龍合效靈
前山好雲氣早已動雷霆

蘄州誌

人 又置

與施蘄州少路

南軒張栻敬夫

久聞蘄春文物彬彬有前輩遺澤
漸濡未泯也計士人中氣質多美者
鐵錢事如何計循其理而為之不若
他人做工作事也大抵今日人才之病
其號為安靜者則一切不為而其欲為
者則又先懷利心往貽害要是儒者之
政一一務實為所當為以護養邦本為
先耳此則可貴也某冒居要藩日夜悚
及之目○ 嘗考 鐵錢令下
有益也臭味一家偶及之目

肆當時文彥博出帛納錢以導其行豈得已哉
此鐵錢所以履儒者之論云

乾明寺

乾明寺即今觀音閣在州治鳳凰山之西南麓自開初以來棲僧尼宋有女郎曹媪作詩立成一日遊憇於此見諸尼作繡工尼乞詩乃應聲為集句云

睡起楊花滿繡床為它人作嫁衣裳因過竹院逢僧話始覺空門興味長

隱逸

龐安常蘄州人不求聞達以醫術自善嘗患聵與人語須書始能曉東坡笑曰吾與君皆異人

蘄州志

人又四重三十六

也吾以手為口君以眼為耳非異人乎

名宦

夏文莊公知蘄州龐莊敏公為司法嘗得時疾在告方七日忽吏報莊敏死文莊大駭曰此人當為宰相安得便死吏言其家已發哀文莊曰不然即自往見取燭視其面曰未合死見醫語之曰此陽證傷寒汝等不善治誤爾亟煎承氣湯灌之有頃莊敏果蘇世謂文莊知人多術信然傳舟永樂間任蘄州學正文學該博奉

勅纂修性理大全

斬民謠四首

儀封王廷相

本省按察使今南京兵部尚書

有芄者艾生我土七年之病得者瘳五內失調
邪作主富貴耽慾乃自取艾縱有靈將奚補我
欲言之上官怒

右斬艾

龜屣生毛綠的的大如錢貴如璧養來盆中水
凝碧小兒之玩有何益

右斬龜

白花蛇誰教爾能辟風邪上司索爾急如火州
中大夫只逼我一時不得皮肉破積骨如巴陵

人 斬州志 人 五重三十六

殺爾種類絕白花不生禍始滅

右斬蛇

龍鬚作席光電電暑眠不及斬陽簟涼如水滑
如藤一簟幾工能織成官府取之只一聲有價

無價誰敢爭

右斬簟

王介世傳合祀王彥明祠看經無全文可徵
適有少年夜夢行遊龍眼磯之許邂逅一偉
人口授聯對云千年豪傑文章載萬古英雄
史筆傳少年告余亦莫知何謂越三日偶獲
介傳精神感兆蓋非偶然矣遂作募緣疏以爲合祀張本

重建烈士廟疏

伏以

彥明不赴檄詔一家樂從鑿舟之慘玠玉力止
叛謀數口勇受沉水之殘死地惟同乎龍磯廟
祀斯合於麟麓廟固因歲久傾頽祀亦由廟廢
斷絕正喜定星方中而重見經營奈緣營惑失
次而盡為煨燼不散之忠魂失所依歸已絕之
祀典無從接續若不再行建造何以表白忠良
第工程之浩大顧獨力之難成允我官居士列
之家同是吊古哀今之輩宜發懽心共成盛事

〽 蘄州志

人

〽 又五重三十六

金耶粟耶若就肯捨輪焉輾焉便有可觀謹疏

按烈士廟始於劉宋間盛於大宋紹興初
國朝洪武六年民人張古才景泰三年知州

金公銑正德十五年舉人劉傑生員李世
賢楊仲金輩各因其敝而撤舊鼎新嘉靖
初被火延燒至今幾載矣將來豈無好義
之士特起以圖興復者乎謹將二公行實
撰為募緣疏以俟

文

宋

州學教授廳記

朱元晦

乾道八年秋予友建安李君宗思爲蘄州學官始至入學釋菜召諸生坐堂上而告之曰朝廷立學建官所以教養人材而待其用德意甚美宗思不佞得備選焉深爲淺露懼不能稱今將有以教二三子者而相與朝夕乎古人爲己之學庶以無負朝廷教養之意二三子其亦有志於斯乎諸生起而對曰諸生不敏惟先生有以教之則幸甚於是宗

蘄州志

人

二十七

思退卽其居則距學且十里宗思顧而嘆曰學官宜朝夕于學與諸生相切磋者其相距之遠可若是耶翌日相學之東偏有廢地焉請於州願得爲屋以居而日徃月來于學以供厥事於是通守北海王侯某領州符嘉宗思之意而悉其力以相之役不逾時遂以備告然後宗思得以日至於學進諸生而教誨之蓋使之潛思乎論語孟子之書以求義理之要又考編年資治之史以議夫事變之得失焉日力有程不躡不惰操策而問勸督以時凡使之知所以明善脩身之方齊家治國之本而

於詞藝之習則後焉而不急也既又禮其士之賢而有德者而與共居凡學之教悉使之聽焉由是蘄之爲士者始知所以爲士之事而用其力宗思亦喜其教之行而將有成也礮石於堂考前爲是官者得自某人以下若干名氏歲月刻之而書屬予使因記其所以然者予惟宗思之教可能也而其所教則非世儒之可及王侯之垂意於學可及也而不以宗思之說爲迂闊於事者則非俗吏之可及是皆宜書以詔於後蓋非獨能繼宗思而居此者有所考法抑亦承流千里而帥其民者所宜

人 蘄志

人

卷二十八

知也於是悉書其本末如此俾刻實題名之首云
九年七月壬子新安朱熹記

玩礮石於堂考前爲是官者得自某人以下若干名氏刻之則蘄之有學雖乾道之前尚不知幾歲月矣萬安記乃謂則自景定癸亥始具狀請文者之誤也

蘄州惠民倉記

真西山

嘉定某年某月金華李公守蘄始至曰城郭完乎有司以圯告則命繕而新之凡若干丈尺又曰城完矣兵械具乎有司以乏告則命爲其器

若干某器若干既又曰吾城堅而械良於守易
矣無其人可乎則舉凡兵之在籍若寓于壑者
教之率以法期年士咸就紀律公曰可矣猶未
也夫守恃兵兵恃民民恃食故食民之大命也
邊之首政也蘄故號沃壤中興以來流痛未盡
復荒蕪未盡治歲所出不能當中州一大縣而
輸于公家者財萬斛焉以廩吾兵且不給設不
幸有旱溢之菑蟲螟之孽其災以相恤哉余爲
二千石于此而奉養嗇於斗食吏非矯也重民
之脂膏不忍褻而用也覬圭勺之贏還以遺吾

也時會而月計之泉之在官者屢有餘歲幸
比登粟之在民者亦屢有餘以其餘於官者易
其餘於民者不幸告儉則以藏之官者復散之
民此備豫之善畫也廼簡僚吏之材者泣厥事
凡樂售者優其直余之未幾得粟爲萬石者二
靡錢緡若干萬千百有奇築屋若干楹以謹其
出納命之曰惠民倉著公志也夫民食足然後
有固心人心固然後可冀以死守昔者孟子談
王道於戰國皆是物也彼爭地爭城之將從橫
馳說之士未有不哂其迂卒之莫或能易者蓋

民弗自安而欲與俱危不卹其生而欲責之死
無是道也公之學醇以深其氣剛以大蓋淵源
乎孟氏者故其治邊之政大抵以保民爲本是
倉特其一爾始倉之成公旣以告于朝下部使
者核其實又書來命其識之其欲以諭後人俾
勿廢乎余謂使繼至者有公之心雖毋識焉可
也不然則金版玉書猶弗足紀恃此以存難哉
雖然仁人心也人心不可泯則是倉不可廢姑
識之庶異時有考云公名誠之字茂欽十三年
夏五月辛卯朝散大夫集英殿脩撰權發遣隆
興府主管江南西路安撫司公事馬步軍都總
管真德秀記

／ 蘄州誌

人

／ 三重二十八

國朝

蘄州儒學重修記

眉州萬安 脩撰

天順五年辛巳歲春正月蘄州趙侯重建廟學
新成初侯來述職因過安言將建廟學功成願
有記也時安許之至學正朱成具狀介生員陳
玘來請曰功成而記之執事嘗墜言於趙侯矣
願無辭辭旣弗獲乃摺狀記其成績按蘄春本
漢蘄春國後爲郡爲縣不一後周始改爲州後

更置不一

國朝洪武初爲府尋復爲州然蘄州之有學則自宋景定癸亥始此但指今治之學而言蓋自漢以來孔子有廟不出闕里唐置州縣始立廟通祀孔子然蘄之學雖起於宋而其學之有廟則固始於唐矣

國朝混一

詔自京師及海隅郡縣咸建廟學而蘄州廟學寔知府左安善重建也然規制卑隘且歲久頽敝戊寅春趙侯來爲州欲大之顧勢有未能迄再期蘄州志民懷其惠士服其教遂謀及僚屬曰廟學不飭惡足以安神明崇教化吾輩奉

朝

命來官於州茲事尚怠何以塞職盍撤而新之僉曰職分事也敢不祇承於是相與合謀市財鳩工始建大成殿東西兩廡戟門櫺星門雕塑聖賢遺像次建明倫堂進德脩業時習三齋及賓客之位會饌之舍至於庖廩咸以次備輪奐甚美規模適加始成祀聖育賢之所而湖南北廟學莫有踰此者矣是役也以庚辰夏四月庀工僅

十越月而成迺二月丁丑侯率僚屬及諸生行
釋菜禮退卽丁寧諸生砥礪行業期其有成又
爲之豐廩餼蠲徭役凡可崇教道而敦俗化者
侯罔不究心也然蘄介舒黃之間其形勝阻山
帶河其民務稼穡士習詩書有鄒魯之風比來
掇科第躋要津以及持麾外郡顯顯繼出今又
得侯剛明仁恕勤於撫字汲汲惟學校是興政
教是舉則當坐收治化成效也可期矣所可書
距止工役之勤而已哉故併言之使刻諸珉石
用以志蘄之學則自趙侯始侯名應隆字文盛

蘄州誌

人

四十

早以明經領鄉薦拜知郴州尋以憂去任服闋
再調於蘄於時佐其事者同知淮安王倫判官
覃懷武信也若耆老助貲匠氏效力者其名氏
悉列碑陰云

脩廣廟學記

浮梁戴珊刑部侍

蘄之儒學在州治東背麒麟山面漢而趾通衢
筆於宋毀於元復於我

國朝孔子廟規制咸備餘百二十年于茲守左安
善錢敏王坦趙應隆莊轍其創以脩者久之入
于敝廟爲甚且左逼於官民家參以非其鬼之

祠不可以尺寸展諸弟子升堂齋服師訓退而會講或獨息無與居在宋守李誠之王彥明

明非新州守辯見名宦志

通判秦鉅後先捍金元兵力不支

死之王玠有事斬黃鎮撫司會孔彥舟謀逆以罵遇害四侯之忠節學政所關欲祀之以表以式而未能者州當藩府末流監臨大吏曠歲無足跡雖有之亦不能以累日加之才不裕與力不足惡乎賴哉弘治五年夏秋之交司禮監太監蕭公敬錦衣衛指揮同知孫公瓚偕珊奉使涖州既事待報謁眎廟學胥曰是誠脩廣之不

八 新志

人

四十一

可緩者也而鎮守太監劉公雅巡按監察御史汪君宗器右布政使王君範知府劉君肅具在以為然巡撫右副都御史樂安謝公綬分巡按察僉事蕭君山富君玆及知州山陽楊淮而言曰脩廣有

明詔矧得之為有財綬當主之君輩其相以成玆曰敢如命時祠已據法撤去聯屬數家適議他徙址悉來售酬其直以丈計橫盈十而加二縱倍橫之數而加三併之以秩隆殺繚之以堵高堅中構講堂五南向扁曰麗澤前棲息房四十八

間東西相向門三間西向扁曰道義房絕處仍
限以堵外構祠三間扁四節其廟學之殿堂之
齋廡之門庖倉庫几棟梁椽角板檻之腐折者
蓋瓦級甃之破損者以至繪事解駁不鮮者一
切易以堅良仍舊增新規制益備且弘矣其費
白金五百五十餘兩米二百餘石酌官民之當
取者而非正供非橫斂力亦擇其班役于官用
之始于秋七月至冬十二月訖工淮率同知鄭
昕學正袁珽訓導楊浩衛永昌諸弟子吳山游
仲瑀輩請爲記瑀嘗爲御史爲按察副使董學

西南每思誦法孔孟而忘筌蹄者切恨之所請
能已於樂道耶洪惟我

朝

聖聖相承稽古右文置學立師徧郡縣簡俊秀克第
子員聚而教之所以瞻仰聖賢申申夫夫侃侃
巖巖之氣象所講讀易詩書禮記春秋文字所
明所率仁義禮智之性君臣父子夫婦長幼
朋友之倫驗諸身心而有得形諸詞說而不悖推
諸家國天下而可行從厚廩餼以養之公貢舉
以登之班爵祿以用之是則居之無冀術取之

無異途矣於戲孟子三遷其業隨之程子見獵
猶動俗好人非大賢異處顧可居之乎廟學之
所以脩廣要非美觀聽而已宰相與深鑒而勉
進之師知所以教弟子知所以學毋壞心於異
術毋失身於異途處爲正士以善其俗出爲名
臣以善其治雖遇變臨危成仁取義亦無所難
矣夫然斯有以行我

聖祖文明之化而於教養之恩作新之圖均不負矣
雖然春秋以民力爲重築臺囿作門觀親延廡
法無善書今茲之役時且義者其謂異乎彼之

新州志

人

四十三

書歟若謝與珙非裕於才而有定力定見舉動
罔不獲能若是哉叙成績揚休風以爲來勸固
不可少也庸書以復

崇賢祠記祭文附

無錫邵寶江西副使

蘄州儒學有祠祠其故學正莆田敬齋林先生
先生去蘄州若干年矣其生也故祠之其歿也
春秋響焉至于今不衰仕蘄之君子謂是舉也
義不可弗繼乃葺其祠之敝益加崇奉而使來
請記其事也至作而歎曰於戲盛矣比古之遺
教也夫古之教者蓋敷之以學率之以行格之

以規浹之以恩裁之以義而分不與焉非惡夫
分也徒分不足以爲教教之本立矣則是分也
乃吾教之所以行也而益以遠故有林先生之
教則有蘄諸生之思觀其所思而教於是乎可
知矣非古之遺而今乃有是哉今學校之師例
出銓注其於弟子蓋分相與也始先生至蘄諸
生事之亦以分而已矣久而資其學焉懷其恩
焉畏其義焉曰先生吾師也是雖不吾蒞固將
輕千里而從之况以

朝

命而來哉於是凡蘄諸生無長幼後先翕然以歸論
者蘇胡之風復見于蘄而先生擢揚州教授去
矣此祠之所以作也寶不及見先生見其孫中
丞公出故太常少卿贈禮部侍郎林公文所爲
先生墓碑謂先生始爲諸生學成未出提學高
公強而後舉及會試得乙榜例授學職或勸之
辭不聽卒以教顯其校文格以義理無少遷就
時稱得人至以養歸自揚尚未老也郡守岳公
蒙泉客之訪之則答餽之才辭予之田辭蓋其
少也敏而重其壯也順而莊其老也靜而廉迹

其學行有古之遺焉以是爲斬之師其規也非
抗其思也非徇其義也非激吾所謂古之遺教
固在是矣斬之諸生曰先生吾師豈過也夫鄉
先生歿則祭于社古之道也今斬之爲祠實取
諸此而義起焉者視尋常名宦之舉相去遠矣
且學校達天下而祠其師如斬者乃不多見斬
之師在先生後先無慮百人而惟先生是祠蓋
功深思遠自有不能已者而豈徒分所能致哉
記禮者謂學莫先於嚴師而極其效至于民之
敬學其于師去而祠歿而饗其爲嚴至矣推是
心焉爲子必嚴其父爲臣必嚴其君固興起於
斯豈直知學之敬而已哉然則是舉也其亦古
之遺也先生諱宗字存敬敬齋所自號系出唐
九牧若干傳而至先生中丞公文章德行望在
海內蓋古遺才君子推其所自亦必歸諸先生
云

同前

南城黃壽

本府通判

祠以崇賢名斬庠士祀學正莆田林先生而建
也先生諱宗字存敬別號敬齋在膠庠時文行
穎出仕伍八閩士肄書者聞風受業凡經承指

授者輒有成效正統甲子領鄉薦越明年中乙榜進士或勸之辭弗辭掌海寧州教丁外艱諸士德之感不忍其去景泰庚子服闋教蘄倡以踐履日訓以文藝却寒暑雨無間旻教者刑不少貸貧不自給者周之一時士行良業精者居多迨于今冠倫魁者亦不乏人率歸功於私淑之教天順戊寅得代諸士思之立生祠于明倫堂之右己卯最績銓曹辭令不拜擢教揚州天順壬午柄山東文衡威莫能奪所取多名士以母高年懇求謝仕當道勉留之自疏于

蘄誌

人

四六

朝得允兼程趨庭日臻色養郡守岳公賢之憫其空乏遺地可數百金峻卻之遺以棺具固償其直廉退剛持始終一律成化戊子俄以疾終訃聞蘄庠士相率詣祠哀慟祠多歷年而圯矣壽

判黃

欽勅提督江西學校副使邵公檄脩之顧時多艱而敝陋日滋勢莫容已財雖出於俸餘力惟出於傭屬民之良善更事者羅禎董役事竣學正李時達訓導吳伯均張灝諸生陳詠輩具顛末速壽記夫太上立德而德貴乎誠誠則有以服人

志有以格天心不假勢位不事智術而然也先生以一命而既去乃致祀之以祠亦惟以實德孚於當時之人心而然耳迨于今頌之不衰祀之不已又有以服後世之人心矣先生子若孫繁且賢中丞公尤賢而顯其奏疏在

朝廷功業在天下海內之士仰之如泰山北斗雖四夷亦知名天之昌先生者於是乎在是皆人之所至願而不可必得者昔之人有位至宰相者而子姓且違之勢位足以服人乎有謙恭下士者而人洞屬其隱微智術足以服人乎之二人者其後無傳庸非天乎夫然則益可以驗先生之實德也脩祠以求其祀也允宜亦可以風士心而勗典教於將來者中丞公名俊字待用別號見素起家成化戊戌進士云

祭文

孫林俊

刑部尚書
俞都御史

於赫吾祖嗣徽前聞金精玉潔石介蘭馨繪句摘詞蛟騰海立論鄉進秀青紫芥拾命與時仇僅弟子師折樞案楠成室異施爍爍文光星流電激紀德祀賢靈祠孔飭俊襲麻庇廉訪克員矢心敢負白日青天眞風聿懷浮榮伊謝過奠

一觴以告地下

嗚呼謂孫猶逸林莽犯風濤而抵于是耶自

天申命黃紙臨門不敢有抗也歷彭蠡沂潞城睇望
柴桑白蓮之遺址不得不內愧也蘄不數舍我
祖之生祠在焉一尊祠下斯生一僅斯日無已
倦勤不可往也熱淚汪汪西顧欲絕臨風齎情
伏與祖訣吾家家範惟孝與忠亦有出處道在
中庸孫其敢越乎嗚呼尚饗

嗚呼孫與祖相屬也俗韻寡諧無關久謝莆去
蘄三千餘里一尊祠下徒有其夢又何有以親

蘄志

人

四十八

致於今耶方青丘以縱浪忽黃紙而到門付孫
以金華之事不敢不起也西川吾邵州祖抗劉
關之地今之事任又甚不同者孫其敢不盡耶
分

上憂揚先烈再歸我林樊祖其相之謹告

嗚呼孫歸也擒廖擒藍擒鄢擒王及撫其黨第
其梗而戮之進孫一官錫以金幣孫疏不允以
病告允焉卽日東邁下廬及夔出三峽及荆及
岳適黃至蘄瞻望祠下有餘慨焉後孫子而仕
而至未可知孫則僅于是也言告祭別嗚呼其

何情

春和堂記

天地和而歲功成人心和而百事舉此理之恒也成化庚寅冬予來同知蘄州事太守金陵莊侯中興予每同師雅相好見予官舍陋隘曰君世曹公子乃脫畧紛華與寒士爭馳而恬然居此豈易哉予曰政未及民遽求安逸未可也逾二載又曰民非政罔守政非官罔舉官非畧罔居居而若此奚其宜予曰民未康時未暇未可也甲午秋莊丁內艱去王侯益亨來代侯與予

蘄州誌

人

四十九

同江右里閤相去二舍許同寅協和與莊一致政日以平民日以和丁酉予滿考述職還詢民咸曰熙熙迺闢葺廳事取材於土植取工於農隙然後揣已量之所稱計功資之崇卑廉隅朴素務適其宜木立於戊戌臘月二十八日梁舉於己亥正月三日是月侯率僚友及州之士夫交慶適天氣盎然候觴於予曰斯堂之建不早圖而晚葺君蓋待時而成也氣不待春而盎時蓋因君而和也故名堂曰春和可乎衆從而祝曰天氣和于上同寅和于堂小民和于野歟因

時取義誠爲當矣遂述所由鏤壁以告來者先是屋壁無紀前賢姓字不聞繼今嗣茲位者編其歲月名氏殆自予始予廬陵人姓周字仁廣前工部尚書謚文襄公第四子也是歲清明日記

祈雨有感詩序

天地以生物爲心故乾元資始坤元資生一氣流行不息以收生成之功者又在雨以潤之夫雨者輔也所以輔時以生物也時或不雨而無輔焉春則徒爲生物之府夏則徒爲長物之府

人
新州志

人

五十

秋則徒爲成物之府物如五穀苗而不秀秀而不實天地生物之心荒矣故曰天地之大也人猶有所憾此之謂也是旱豈天地之所得已哉人或昧此歲旱輒有事左道以祈雨之應至召巫覡作法行罡指天罵地或以穢帛寫檄或以鐵牌書符投水激龍一切瀆褻之繆靡所不爲且謂非此不足以觸神之怒而雨何其愚也殊不知雨從於雲在以陰畜陽畜道成則陰陽和而雨畜未極而施未行則陰陽不和雲氣鬱蒸而不雨故雖賢聖之君如成湯之禱桑林而猶

有七年之旱宣王之靡神不舉而其旱太甚至於數窮理極而復乎畜道之常故商民終得允殖周民不至靡有子遺也如以左道而舞巫迎龍以致雨亦何謂乎州守魏公德興人也其先子先是爲州同知乞休正德辛巳以鄉進士奉天子命出而繼守吾州州之利弊皆其先子所欲興欲革而未及者公領其諭于平日今則親見其實而身任其事不數月間利無不興弊無不革上有以副

君心下有以成父志一舉而忠孝兩得是在我者不

人 蘇州志

人

五十一

傷天地之和且有致和之道矣惟茲六月不雨公與吏民約引咎自懲所謂左道一無所干已日甘雨如注公惟歸功於畜道之成而不自有其功民之知理道者相率以告於公曰得雨而歸功於畜道之成其在易書固非誣者然公素有致和之道氣順而天地之氣亦順况今日所遭又非若商周二君所值理數之變故三才協和乃有此應公爲是推遜奈何公曰有是哉民咸忻躍而退自是優渥沾足稿苗復榮遂爲有年之書天地生成之功于是乎收矣故民生以

遂常賦有供

朝廷之所以責程有司者亦胥此乎舉焉縉紳士夫製用一帙作為詩歌以頌其美虛澤為序竊惟公之德吾民乃耳聞目接其功豈小補哉他日陟崇階躋顯要霖雨天下以成調元贊化之功者後當有屢書特書者在一州之績奚足為公善也聊書此以為張本云

重建王公烈士廟記

淮安金銑州知

天地剛直之氣稟之以生人與物皆然也而人得其全能全剛直之氣奮百世而特立者為豪

人

人

五十二

傑其人也是氣處乎百世之常泯無形迹可見聞及其遭大變臨大節而發焉則死生榮辱之境以定於胷中不死而辱不生而榮則何外物之足以動其心而奮其志哉是故於夏而發也為龍逢於殷而發也為比干於楚而發也為屈原於唐而發也為張巡為許遠顏魯公於宋而發也為文天祥為王彥明之數君子也安於臣節以死為亨所謂能全剛直之氣奮百世而特立者也自龍逢以及天祥史書之廟祀之名公鉅儒為之詩歌為傳記以稱美之刻於石登於

方策後世得以景仰者有以也惟彥明死節史
失其廟燬於火未聞名公鉅儒爲之詩歌以刻
於石登於方策剛直之氣不得白於天下後世
其置諸人心塞乎天地之間固自若也是蓋不
以暫而存久而沒也銑承

命來蘄索蘄圖經考古名宦將師法之首得公焉公
未許何處人守蘄有德惠在人當元兵壓境忠
義不屈拒戰日久民不忍叛未幾城陷公挈其
妻子登大艦於西龍眼磯慷慨而沒之蘄民哀
而思之尊爲烈士立廟於磯傍曰烈士王公之

蘄志

人

五十二

廟歲時祀之遂詢之父老僉曰故廟卑隘弗稱
逼於民居數罹於火遺址鞠爲草莽亦已久矣
予聞而感其心謀於僚友同知淮陽王倫滇南
趙和判官西蜀王錦吏目陝右王真相與捐俸
市其民居以益其地東抵周行西抵大江袤計
七十餘丈廣六十餘丈新其廟貌路有門闌以
墻經始景泰癸酉秋越明年冬十一月甲子落
成予與僚寮率父老拜瞻廟下咸喜公剛直之
氣肅然如生因請書其事以刻於石噫公剛直
之氣塞乎天地固不籍此而存而公之神靈不

無籍是廟以栖以安而凡蘄人水旱虫疫之禱於公者舍之將焉適乎他日名公鉅儒爲之詩歌傳記以鳴剛直之氣白於千載之下奮乎百世之上媿美夏殷唐宋諸君子又焉可謂其不籍於是乎銑慕公生有以德於民死有以關於名教而水旱虫疫之禱又足以福乎人祀典所載不可誣也遂書之并系以詩俾蘄之人歌以祀公其辭曰彼都兮烈士全天地兮正氣視殺身兮如歸凜秋霜兮忠義龍磯兮嶄巖壽宮兮新制在祀典兮有徵矧綱常兮攸繫洋洋兮格

蘄州志

人

五十四

思駢兮孔熾載雲旗兮委蛇繪靈衣組麗奠桂酒兮椒漿神樂康兮少憩願飲福兮錫民永廟祀兮百世

按王彥明事實詳辯見名宦誌已經改正

元

四見亭記

安城劉廷闡汙陽學官

蘄陽郡治負麒麟山自山之麓壘石十級委折以升至于山之巔有亭曰四見今郡守雲中李榮祖所重建也亭之高仰瞰城郭廛居麟次若在淵谷岷山墦塚之流洞庭雲夢之匯合集奔

放滔滔洶洶千數百里而來縈帶洲渚橫流于
亭之前而後紆徐以東去吳蜀荆揚之山高者
挿霄漢遠者隱煙霧昂者龍驤伏者虎踞莫不
出奇獻秀聳赴乎軒楹之側至於林廬之隱見
溝塍之分盡原隰之衰衍衢里之衝從凭几而
觀迎在目睫於是一郡之勝槩畢萃於斯亭矣
接圖誌郡有舊址在廣教山雲山名白去州西北
五十里蘄水界其陰水北白雲山有四見亭則
故范忠宣公純仁所名也宋治平中忠宣以御
史言事出守是邦暇日升白雲高處徬徨顧瞻

八 蘄州誌

人

五十五

而樂之山僧爲之作亭忠宣喜而名之屬士林
敏功爲之記其後郡治荐罹兵燹轉徙不常再
易所而至於今治凡城之廨宇里閭臺榭之觀
釋老氏之居悉遷於治而不易其故名故麒麟
山之亭非復白雲山之比而四見有扁猶仍其
舊焉然其爲室卑陋弗稱歲久且圯李侯承
天子命來爲郡牧思所以稱

朝廷遴選任賢之意廉以持身仁以率人恤民隱
祛吏蠹期年之間弊無不除廢無不舉令行禁
止闔郡大治迺其餘力撤故亭而新之重簷穹

楹焱舉霞映雄峙盛麗倍徒於前而未嘗有一
毫賦於民父老聚觀而美之曰偉哉斯亭前所
未有也仁哉太守其使吾民安於田里以同其
樂也于時僕自江右校藝還沔李侯邀余舟宿
江之滸設觴豆于亭上曰亭成子適至宜文以
記之辭不獲則叙其因革始末之故以示來者
舉酒而復於侯曰吾聞樂民之樂者民亦樂其
樂後之爲政其庶幾古人乎侯酌觴而謝曰吾
不足以知之然吾聞之百年之先長淮大江南
北煙塵桴鼓之警交乎遠邇斬於斯時號爲邊

郡其人狼顧倉皇莫之攸底方是時士君子之
遊於斯欲頃刻遊觀若今日暇豫其可得乎吾
今升高以望四境桑麻陰陰禾稷蔽野黃童白
叟熙熙然遊於鷄豚之社商馳宦舸東西上下
於江波煙靄之中者朝暮而不休太平之盛世
久矣吾黨之於斯也得以燕居祿食幸其風淳
俗簡時和歲豐而與斯民相安於無事委蛇自
公時從僚案賓友嘯咏斯亭無瘳官之譏有登
眺之暇

聖天子之深仁厚德所以光被寰區涵照庶類蓋無

一民一物之不得其所又不特一郡之幸一時之美而已余曰盛哉侯之言其將致吾君於唐虞之治而與天下同其樂歟遂書其言以爲記

江山清趣亭

浮梁戴珊侍郎

弘治五年壬子五月戊寅珊偕司禮監太監劍潭蕭公錦衣衛指揮同知鄒平孫公奉

使黃之蘄州

命下甫七日卽就道衝冒暑雨跋涉山川如是者月餘比會鎮守太監劉公巡撫右副都御史謝公巡按監察御史汪君暨都指揮同知高君布政

蘄州

人

五十七

使王君按察僉事富君徃理乃事月又二日事始竣以

聞孫公北屋也南壤伏暑殊不堪假館鳳凰山之四祖寺殿堂門廡簷礎聯屬又無從而風之爰率官奴剗峻坂小徑蚓曲魚貫而上之得隙地孔良凹凸者平之欹斜者正之蕪冗者芟之構亭一間雕飭不施門戶不設後抱平岡而左右翼尤就剝前駕殿廡城堞而出之無所障蔽長江大湖一碧千頃遠近山岫起如劔戟伏如波濤柳蔭荷香鳶飛魚躍相率爭獻奇秀天風時來

肌髮颯爽恍若身世之在廣寒九成也蕭公爲書江山清趣扁之作詩若干首孫公方適趣于柱笏凭闌之頃而有感于候鴈南歸之音江漢朝宗之勢幡然思以憂曰瓚職在侍衛出入禁闥

天顏不遠咫尺外處及今夏向秋矣而我

聖躬天佑歟

帝德日新歟文教興行而武衛不弛歟求賢從諫若渴若流歟一切無復瓚所與聞者能憇然不介之懷徒戀戀清趣於一山一水之曲邪常舉以

／ 蘄州誌

人

／ 五十八

語珊竊惟人所以參三才而靈萬物謹諸天人之際而已故月令有曰仲夏可以居高明遠眺望升山陵處臺榭范文正公曰處江湖之遠則憂其君孫公出積善餘慶之裔好讀書明理道通古今謂父兄門地不足恃膏粱紈綺不可溺不避艱險左右大將軍克捷貴陽之不庭者以奇勲授顯秩屢銜

使命之沐之陝之南京綽著聲績今茲一憂樂張弛間而能順天時脩人道符合古先聖賢之語良可書也雖然地因人而勝人以賢而名韓昌

黎之詠谿堂蘇東坡之賦赤壁歐六一之記醉翁亭後之人誦其詩文猶想其盛美蕭公名重海內而詞翰得之者不啻若隋珠荆玉然重孫公之賢大書長扁無所吝而謝公輩紀之皆傑作千古江山一時光重亭之名未必不與谿堂赤壁醉翁同其傳也而珊得以託名於諸公之次其亦榮且幸歟知府前監察御史劉君肅偕知州楊淮請爲記遂書以歸之

宋史

李誠之傳

真西山爲表其墓見西山文集

蘄州志

人

五十九

李誠之字茂欽婺州東陽人受學呂祖謙鄉舉第一後入太學舍選亦第一慶元初釋褐爲饒州教授丁父母憂廬墓終喪幹辦福建安撫司公事遷刑工部架閣擢國子學錄以言罷起爲江西轉運司幹辦使稱提會子第其物力高下輸錢以歛之誠之以爲擾使者不悅曰商君之令猶能必行今乃齟齬如此誠之愀然曰使君儒者而欲效商君之所爲乎遂辭去使者遜謝罷令而後止改通判常州知郢州知金人必敗盟大脩邊防戰攻守禦之具移知蘄州蘄自南

渡以來未嘗被兵誠之曰備禦無素長驅而來將若之何相視城壁而增益之備樓櫓築軍馬牆教閱廂禁民兵激之以賞積粟四萬先是酒庫月解錢四百五十千以獻守誠之一無所受寄諸公帑以助兵食嘉定十四年二月金人犯淮南時誠之已逾滿代者不至欲先遣其孥歸聞難作而止喟然謂其僚曰吾以書生再任邊壘行年七十抑又何求獨欠一死爾當與同僚戮力以守不濟則以死繼之乃選丁壯分布城守募死士迎擊遇于橫槎橋大破之居數日金

人擁衆臨沙河欲渡又破之明日金兵大至決湟水焚戰樓又拒退之明日金移兵要衝爲必渡計斬兵直前奮擊殺其酋帥金人雖屢挫然謀益巧攻益力未幾傅城下圍之數重遂燔木柵誠之出兵禦之又殺其將卒數十人奪所佩印三月朔金人攻西門射卻之俄造望樓以窺城誠之爲疑兵以示之又使持書來脅降誠之戮之而還其書越二日金人以攻具進誠之設械禦之夜出檣其營料敵應變若熟知兵者金人卒不得志會黃州太守併兵爲一凡十餘萬

池陽合肥援兵敗走朝命馮綯援二郡綯至竟
遷延不進誠之激厲將士勉以忠義城陷率兵
巷戰殺傷相當子士允力戰死誠之引劍將自
刎呼其孥曰城已破汝等宜速死無辱妻許及
婦若孫皆赴水死事聞贈朝散大夫秘閣脩撰
封正節侯立廟于蘄賜名褒忠賻銀絹二百仍
賜爵迪功郎者三 其妻令人士允通直郎
子婦及孫女之沒於難者皆贈安人從誠之之
死者通判州事秦鉅

秦鉅傳

蘄志

人

卷一

秦鉅字子野丞相檜曾孫通判蘄州金人犯境
與郡守李誠之協力捍禦求援於武昌安慶月
餘兵不至策應兵徐揮常用等棄城遁城破鉅
與誠之各以自隨之兵巷戰死傷略盡鉅歸署
疾呼吏人劉迪令火諸倉庫乃赴一室自焚有
老卒見煙焰中着白戰袍者識其鉅也冒火挽
出之鉅叱曰我爲國死汝輩可自求生掣衣就
焚而死次子浚先往四祖山兵至函還與弟澤
從父偕死特贈鉅五官秘閣脩撰封義烈侯與
誠之皆立廟蘄州賜額褒忠贈浚澤通直郎賻

以銀絹各二百州學教授阮希甫贈通直郎防禦判官趙汝標蘄春主簿寧時鳳錄事參軍兼司戶杜諤俱贈承務郎監蘄州都大監轄蘄口鎮倉庫嚴剛中贈承事郎時統制官孫中小將江士旺陳興曹全丘卞軍士李斌等皆闕死司理參軍趙與裕先率民兵百餘人奪關出外求援僅以自免而全家十六人皆沒淳祐十二年特封鉅義烈顯節侯黃州城陷守臣何大節亦投江死焉

國朝

蘄州志

人

卷二

大明勅賜榮祿大夫同知大都督府事兼

太子右率府使贈推忠翊運宣力懷遠功臣光祿大夫湖廣等處行中書省平章政事柱國追封蘄國公諡武義康公神道碑銘有序

皇帝卽位之三年混一華夷聲教所被罔間遐邇梯山航海奉贄獻琛

上念熊羆之士不貳心之臣東征西伐宣勞有年方將胙土分茅以定功賞而都督康公薨于陝州上聞之嗟悼不已旣

勅有司穿土作室以寧體魄復欲昭其功勲於悠久

詔翰林學士臣宋濂稽諸簡牘所書文於堅石以垂示於億萬載臣濂謹按公諱茂才字壽卿康其姓也世爲蘄州人曾祖文廣

皇贈中奉大夫中書參知政事護國追封京兆郡公祖德懋

皇贈資善大夫中書右丞上護軍追封京兆郡公父壽

皇贈榮祿大夫同知大都督府事柱國追封蘄國公母蕭氏追封蘄國夫人公當元之季四方雲擾未幾蘄州陷公結義旅以捍蔽爲務受以長官

蘄州志

人

六十三

俄遷爲鎮撫同諸將復九江擣蘄水黃連寨轉蘄州路同知總管府事屯戍和之裕溪太平之采石使者考其功狀陞淮西宣慰副使同知元帥府事又陞宣慰使都元帥乙未六月

上帥師渡江將士家屬尚畱于臨濠陣人多效死於是數戰不克後數月常忠武王遇春遣遊兵虛撓之公連日發軍以應王度其力疲夜設伏兵質明殲其精銳殆盡然猶收合潰散堅寨於天

寧洲明年二月

上命諸將以襄陽大砲破其寨公奔行臺便宜陞淮

南行省參知政事甫踰月

上亦克金陵又奔京口舟師追及之公度天命有歸
乃率所部餘兵三千解甲來附免冠頓首言前
日之戰各爲其主今日屢敗天數也事至於此
死生唯命苟得生全尚竭犬馬之力以圖報效
上笑而釋之仍許統所部兵從征又明年授秦淮翼
水軍元帥守禦龍灣取江陰之馬馱沙八月僞
吳張士誠犯我疆境公驅兵逐之獲其樓船
上賜名馬一匹黃金一錠歲戊戌從廖楚公永安攻
池州取趙雙刀之樅陽遷都水營田使兼帳前

八 新州誌

八

六十四

總制親兵左副指揮使明年八月攻皖城僞將
率樓船出戰公復獲之又明年六月僞漢陳友
諒傾國入寇攻陷我姑孰殺戮我吏民意將窺
我南京

上召公謂曰爾不疑我乎公復頓首謝

上曰汝旣不相疑宜作書遣使僞降友諒爲內應招
之速來仍給告以虛實使分兵三道以弱其勢
友諒果如所言旣至諸將同公奮擊大破之縛
其士卒二萬有幣帛白金之賜歲辛丑八月

上怒友諒來寇率將士親征公領舟師行擊安慶破

江州僞都友諒西遁遂下蘄州興國漢陽公沿流而下克黃梅某家寨十一月取江之瑞昌敗友諒八陣指揮友諒之勢遂衰遷帳前親兵副都指揮使明年九月復龍興又明年攻左君弼於廬州四月友諒圍龍興

上親往援公與諸將皆從友諒聞

上至亟解圍還七月大戰於彭蠡湖軍聲嘯呼湖水爲之起立浮屍蠢蠢動至數十里友諒遂至敗又有幣帛之賜十月

上親征武昌公從之歲甲辰二月下之友諒之子理

八 蘄州志

八

六十五

銜壁出降三月進金吾侍衛親軍都護府副都護四月從大將軍徐公達游攻廬州七月下之八月拔安豐繼取江陵及湖南諸州加賜幣帛明年二月改神武衛指揮使五月進大都督府副使閏十月士誠兵犯江陰京口

上帥大軍水陸並進公在行中及至鎮江士誠兵已遁又明年正月追至巫子門擊敗其衆獲士卒二千公功爲多四月擣淮安之馬邏港拔其水寨復獲士卒與艫艘無算淮安平七月遂攻湖州十一月破之進逼姑蘇姑蘇士誠僞都卽遣

銳卒來迎鬪大戰尹山橋公持戟督戰益力銳卒盡覆乃進圍齊門刀劍林立飛鳥不敢下大將軍命諸將合攻之吳元年九月姑蘇平公取無錫州十月陞同知大都督府事兼

太子右率府事進階榮祿大夫洪武元年

上以江南之地既入版圖乃遣大將軍經畧中原公從齊魯之地復由黃河取汴梁下洛陽駐師陝州規運饋餉造浮橋以渡大軍鎮河中善撫綏遺民爲之立石頌德絳解二州則公所招徠蔽遮潼關秦人不敢東向三年復從大將軍征漢

人
新州誌

人

六十六

中奉

詔還軍中道因疾而薨實八月之三日也年五十有七上下羣臣議贈公推忠翊運宣力懷遠功臣光祿大夫湖廣等處行中書省平章政事柱國追封蘄國公諡曰武義卜以九月二十一日葬于應天府上元縣鍾山鄉之幕府山

上親臨奠而百司繼之祭幄相望聯絡原野時人以爲榮公娶方氏追封蘄國夫人繼室田氏封蘄國夫人側室朱氏余氏子男三人鐸田氏出鑑朱氏出鎮余氏出公通經史大義事太夫人以

孝聞輕財仗義意氣磊落而尤有志於事功值元祚將終其才弗克盡施然而

真主龍飛於羣雄之中公卽能識之卷甲韜戈率衆臣附坦然而不惑可謂上知

天命下察人心者矣由是昭被寵眷倚之以心膂用之爲爪牙十餘年間屢從征討茂績奇勲著彌當世存則安富尊榮加以爵位薨則疏封賜諡貴及九泉令名垂於竹帛重祿延於子孫公其可以不朽矣臣濂謹拜手稽首述辭於碑系之以銘深懼不足以稱

八 斷誌

人

六十七

上報功之意銘曰於赫

大明受命於天如日之升照于八埏其于時康公江險之侍大軍西來視如平地其巨礮轟雷物莫敢撓何戰弗潰何守弗傾其天人攸歸勢何敢抗知幾先來率衆內嚮其

皇帝曰嘻有附匪疏予開誠心遇爾不疑其爾礪矛

鋌爾部士卒助予四征以寧萬國其公拜稽首

賜死爲生誓殫報效如無餘齡其孰爲不庭率師往討矯如冀如風馳電掃其東吳西楚蹴陳駕張身經百戰克暨始亡其大將北伐同取汴

洛出鎮于蒲恤其孤弱其十蔽避河潼以鐵爲關
誰敢操戈睥睨其間其十玄龜負碑以頌遺愛
民亦何心恩義斯在其十從伐漢中迢迢西征
有命班師中道而薨其十

帝念將臣血戰之苦將酬其恩錫以茅土其十孰不
壽考以樂承平公胡嬰疾隕鬼泉局其十

帝情憫悼恩命絡繹穿山爲堂畢茲窳窳其十名垂
於史祿延於家翮然而逝公復何嗟其十史臣
造文大書深刻以昭公勲有求無極其十

文移

人 蘄 志 人 辛 八

湖廣黃州府爲脩誌事本年十一月十三日午
時抄蒙

巡按湖廣監察御史唐 批據蘄州儒學署學
正事舉人王舜卿呈致仕知縣甘澤纂脩本州
誌書一部今已就帙卑職欲行刊刻未敢專擅
理合呈乞施行蒙批郡誌與他書不同黃州府
查估用價若干作何處置行州學刊刻以備一
郡之史此繳仍行不致科索依准同繳蒙此擬
合就行該州查估爲此除外仰本州著落當該
官吏照依帖文內事理卽查該學所脩誌書今

呈刊行合用板片若干用紙若干匠作工食若干共該用銀若干逐一估勘明白作急申來以憑定奪轉呈不許因循誤事及倚此科索依準一併同繳回報此係
本院郎目按臨立等回報事理毋得遲延取究未便須至帖者

嘉靖七年十一月十五日 右帖下蘄州準此

帖押

湖廣黃州府為脩誌事抄蒙

巡按湖廣監察御史張 批據本府經歷司呈

蘄州誌 人 卷九

前事蒙批仰府郎查該州應動無碍官銀呈來定奪繳等因蒙此案照先為前事已經備由申稟去後今蒙前因擬合就行為此除外仰本州著落當該官吏速照批呈牌內事理郎查前項木板紙張工食等項銀兩應該動支何項無碍官銀作急議處停當的實申來以憑呈奪施行毋得仍前遲違未便須至牌者

右牌仰蘄州準此

嘉靖八年八月初三日典吏馮斗承

府押

湖廣黃州府蘄州爲脩誌事抄蒙本府紙牌抄蒙

巡按湖廣監察御史張 批據本府經歷司呈前事蒙批仰府卽查該州應動無碍官銀呈來定奪蒙此備仰本州官吏卽查前項木板紙張工食銀兩應該動支何項無碍官銀作急議處停當的實申來以憑呈奪等因蒙此依蒙卷查原議刊刻誌書板木并匠作工食印刷紙張等項估計價銀叁拾捌兩五錢陸分已經移付戶房付查庫內並無堪動官銀未經呈奪致仕知

蘄州誌

人

七十

縣甘澤見任本州儒學學正王舜卿各自出辦工食完刻間今本州知州周南查有犯人張全等紙米等銀共叁拾捌兩五錢陸分見在未敢擅給擬合申稟爲此州司今將前項緣由合行具申伏乞

照詳示下以憑遵奉施行須至申者

右 申

巡按監察御史張

嘉靖九年五月初四日知州周南

同知缺

判官譚崇

吏目奚銘

巡按湖廣監察御史張

批仰州照數動支歸

還取領狀繳

八
蘄州誌

八
七十一

儒學生員陳貝

社學生武仲賢

施仲文

陳果

張昱同謄錄

江西奉新練鰲同刊

蘄州誌卷之九終

書州志補逸後

貞菴甘先生纂修志凡若干卷前守周公宜齋既錄梓仍附先生家藏便民印行詎意先生未沒版被人詒去一七片幾為廢書矣西皋陳公誦倅代至每詢及之深切悼恤乃撥蕪本使人重錄召匠刻補于是亡者釐然復集此天不墜道而茲志之幸也蓋公毘陵節愍公裔孫節愍豐功偉績公嘗彙刻于家曰世恩世德二錄是則公史學之養素矣而今捐俸與補茲志論者要不可視為在官餘事云

蘄州志

人

七十三

嘉靖丙申秋九月鄉貢進士郡人李朴謹書

蘄州志後序

蘄鄉大夫貞菴甘公纂郡志刺成王子從而讀之曰於美哉其翼諸教乎可以觀化矣貞菴之志弘哉畢矣夫君子之有作凡以為

蘄州志後序

天下後世矧志為郡史關諸政教之尤哉是故貞菴之志也夫蘄由周歷漢唐宋迄于今號稱天下名州風灑乎有鄒魯遺風厥志實今初見貞菴之志弘矣

或曰奚其翼諸教也夫學
校教之地也風俗教之原
也忠孝節義教之實也人
才教之成也三代之有庠
校凡以明此而已故郡算
大於學校立學斯重矣郡

其良哉觀茲志也學校舉
而其地隆矣風俗正而其
原端矣忠孝節義脩以風
之而其實昭矣人才咸產
于道教之成章章矣故曰
可以觀化矣經而章校而

有則精而確亦可以傳也
夫推諸建置沿革之凡物
物精具秩秩如也則有左
史吳公之序在王子惟其
教故略焉要亦識貞養之
志焉已矣

新州志後序

三

嘉靖九年庚寅春正月下
泮新州儒學學正閩人王
舜卿序

